BAB KETIGA

BAB III

METODOLOGI

Khusus di dalam bab ini dibicarakan tentang metod-metod yang digunakan dalam penyelidikan disertasi ini. Namun sebelum itu perlu pula dijelaskan terlebih dahulu apa yang dimaksud dengan metod.

Perkataan metod berasal dari bahasa Inggeris, <u>method</u> bererti sistem, aturan, cara membuat sesuatu kaedah. ¹⁹⁸

Perkataan method yang berasal dari bahasa Inggeris itu digunakan dalam bahasa Malaysia menjadi "metod" yang bererti sistem atau cara melakukan sesuatu. 100

Sedangkan perkataan metodologi berasal dari bahasa Yunani iaitu "methodos" yang bererti cara "logos" yang bererti ilmu.²⁰⁰ Imam Bernadib berpendapat, bahawa metodologi mengandung erti ilmu tentang cara mengadakan penelitian.²⁰¹

^{198&}lt;br/>Dewan Bahasa dan Pustaka, Kamus Dwibahasa, Kuala Lumpur, 1985,
h. 781.

^{199&}lt;sub>Tengku</sub> Iskandar, *Kamus Dewan*, Dewan Bahasa dan Pustaka, Kuala Lumpur, 1989, h. 763.

²⁰⁰Koetjaraningrat, Metode-metode Penelitian Masyarakat, PT. Gramedia Pustaka utama, Jakarta, 1991, h. 7.

²⁰¹ Imam Barnadib, Arti dan Metode Sejarah Pendidikan, Yayasan Penerbitan FIP-IKIP, Yogyakarta, 1982, h. 51.

Dalam Kamus Dewan pula dijelaskan, bahawa metodologi adalah sistem yang merangkumi kaedah-kaedah dan prinsipprinsip yang digunakan dalam sesuatu kegiatan (usaha dan sebagainya). 202

Dalam pengkajian ilmiah, metod adalah merupakan suatu perkara yang sangat penting, kerana ianya merupakan cara kerja untuk memahami subjek yang menjadi sasaran penelitian. Sebab metod yang sempurna akan menghasilkan kesimpulan yang sempurna.

Dalam penulisan ini penulis berusaha menggunakan beberapa metod. metod-metod yang penulis gunakan dalam penulisan ini sebagai berikut:

- Metod Penentuan Subjek.
- Metod Pengumpulan Data.
- Metod Analisa Data.

A METOD PENENTUAN SUBJEK.

Dalam mengadakan penyelidikan untuk mengumpulkan data yang diperlukan, maka dalam pembahasan disertasi ini penulis menggunakan method library research, justeru pembahasan disertasi ini berkenaan dengan pengkajian pemikiran seorang tokoh, sedangkan tokoh yang dikaji telahpun meninggal dunia, sementara konsep pemikirannya telah dituangkan di dalam buku-buku yang ada, kaedah

²⁰² Iskandar, Op. Cit., h. 826.

ini biasa juga disebut dengan "Book Survey".

B. KAEDAH PENGUMPULAN DATA

Metod pengumpulan data merupakan satu cara mendapatkan atau mengumpulkan data-data dan maklumatmaklumat yang diperlukan bagi tujuan penyusunan.

Bagi tujuan ini sebagaimana yang telah dijelaskan di atas penulis hanya menggunakan satu bentuk kajian iaitu kajian kepustakaan. Di antara perpustakaan yang menjadi tumpuan penulis ialah:

- $\begin{tabular}{ll} 1. & Perpustakaan Universitas Muhammadiyah Sumatera \\ Barat. \end{tabular}$
- 2. Perpustakaan IAIN "Imam Bonjol" Padang.
- 3. Perpustakaan umum Sumatera Barat.
- Perpustakaan Universiti Malaya.

Di dalam kajian ini, metod-metod yang digunakan penulis adalah seperti berikut:

a. Metod Historis

Metod historis adalah suatu proses untuk menentukan adanya pendapat yang tepat mengenai kajian. 203

Penggunaan metod ini adalah bertujuan untuk

²⁰³ Barnadib, op. cit., h. 52

mendapatkan data yang mempunyai nilai sejarah. Sejarah yang diteliti dalam kajian ini adalah catatan-catatan tentang sejarah singkat pendidikan Islam, sejarah singkat masuk dan berkembangnya Islam di Indonesia, pendidikan pada zaman berdirinya kerajaan-kerajaan Islam, pendidikan Islam pada masa penjajahan, pendidikan Islam pada masa kemerdekaan, dan riwayat hidup Kiyai Haji Ahmad Dahlan.

Bagi mendapatkan data-data yang bersifat historis, penulis telah menggunakan dokumen-dokumen yang berhubungan dengan masalah-masalah tersebut. Penulis menggunakan kaedah ini di dalam bab 1, 2 dan 4.

b. Metod Dokumentari

Metod dokumentari ialah satu cara pengumpulan data dengan melakukan kajian terhadap dokumen-dokomen yang ada hubung kaitnya dengan masalah yang dikaji. Yang dimaksud dengan dokumen ialah surat atau sebagainya yang bertulis atau bercetak yang boleh dijadikan bukti atau keterangan yang sahih bagi suatu perkara.²⁰⁴

Pada umumnya, dokumen-dokumen yang diperoleh oleh penulis adalah merupakan sumber-sumber yang pertama. Antara dokumen-dokumen tersebut ialah:

²⁰⁴ Iskandar, op. cit., h. 289.

- 1. Al-Quranul Karim.
- Buku-buku dan bahan bertulis lainnya yang berkaitan dengan kajian.

penulis telah menggunakan metod ini di dalam bab 1. 2. 3 dan 4.

C. METOD ANALISA DATA.

Data yang ada diolah dan dianalisa melalui metodmetod sebagai berikut:

a. Metod Induktif

Metod induktif ialah suatu cara menganalisa data melalui cara berfikir yang mencari pembuktian dari dalildalil yang bersifat khusus untuk mencari kesimpulan yang bersifat umum. Penulis menggunakan kaedah ini di dalam bab 1, 2, 4 dan 5.

b. Metod Deduktif

Metod Deduktif pula ialah suatu cara menganalisa melalui cara berfikir yang mencari pembuktian dari dalil yang bersifat umum untuk sampai kepada hal-hal yang bersifat khusus. Kaedah ini penulis gunakan dalam bab 1, 2, 4 dan 5.

c. Metod Komperatif

Metod Komperatif adalah cara membuat kesimpulan dengan melakukan perbandingan pada data-data yang diperoleh. Segala data, fakta dan pendapat dikumpul serta dibuat perbandingan dan kesimpulan. Penulis menggunakan kaedah ini juga di dalam bab 1, 2, 4 dan juga 5.